

# АХОЛИ ТИББИЙ КҮРИКДАН ҮТКАЗИЛМОҚДА



Юртимизда ўтаётган «Кексалар ҳафталиги»да Олтинсой туманида ҳам кўп хайрли тадбирлар үтказилмоқда.

Бугун, 6 октябрь куни мазкур ҳафталик доирасида «Жобу» маҳалласидаги 4-умумий ўрта таълим мактабида туман Тиббиёт бирлашмаси ва вилоят Соғлиқни сақлаш бошқармаси ҳамкорлигига яқин ҳудуддаги маҳаллалар ахолиси тиббий кўрикдан үтказилди.

Ушбу хайрли тадбирда Термиз шаҳридан келган вилоят Эндокринология шифохонаси бош врачи Каромиддин Мелиқулов раҳбарлигига 21 нафар турли мутахиссликка эга малакали шифокорлар иштирок этди. Уларга туман Тиббиёт бирлашмаси бошлиғи Муртазо Раҳмонов бошчилигидаги олтинсойлик ҳамкаслари ҳам қўшилишди.

Шунингдек, мактаб ҳовлисида вилоятдан келган кўчма рентген, офтольмология ва «УЗИ» тиббий машиналари аҳолига кун бўйи бепул тиббий хизмат кўрсатди.

Тиббий кўрик давомида кекса ёшдаги фуқаролар, «Темир дафтар», «Аёллар дафтари», «Ёшлар дафтари» ҳамда 3-4-гуруҳга киритилган тиббий ҳимояга муҳтоҷ, кам таъминланган эҳтиёжманд оила аъзоларига алоҳида эътибор қаратилди.

Туман Нуронийлар жамоатчилик кенгаши раиси Юсуф Ҳакимов ҳам тадбирда иштирок этиб, малакали шифокорлар билан бирга уйда ётиб қолган bemorлар хонадонига бориб, улар билан аҳволлашди. Малакали шифокорлар bemorларга зарур муолажаларни белгилашди.

— Олис қишлоқлардаги кекса инсонлар ҳолидан хабар олиш учун мана шундай кўчма тиббий гуруҳларни, билимдон врачларни юбораётган муҳтарам Президентимиздан бениҳоя миннатдормиз, — дейди «Жобу-1» маҳалласида яшовчи меҳнат фахрийси Чори бобо Бозоров. – Инсон учун энг муҳими, унга кўрсатилаётган эътибордир. Эътибор ва эҳтиром бор жойда инсоннинг кўнгли тоғ янглиғ юксакларга кўтарилади, меҳр кўрган киши ҳар қандай дарддан тезда фориғ бўлади.

Эл соғлиги — юрт бойлиги, дейдилар.

Ибн Сино ворислари бўлган моҳир шифокорлар томонидан ўтказилган тиббий кўрик, муолажалар, бепул дори-дармонлар — халқимиз саломатлигини мустаҳкамлаш, дардманларга тезроқ кўмак бериш, юртдошларимиз орасида меҳр улашиш каби эзгу ниятларни жамлаганлиги билан янада аҳамиятлидир.

Ўз мухбиришимиз.